

اولندرق مطلوب اولان رسم اصولی وجه اوزره آلتور  
 مع مافیه ضیاءک تأثیر یله غیر مرئی اولوق جام اوزرنده حاصل اولان  
 صورتی میدانه چیقارمق ایچسون مذکور جامی بر مقصد ار  
 قرستاللمغه قابل حامض خل ایله مخلوط اولورق محلول حامض  
 عقیص نارییه باتریلوب چیقارلدقدن صکره جزو یجه  
 اصیدلیق و محلول ملح تحت کبریت سوده ایله ییقانمق لازمدن  
 اشته بو وجهله آلتان منفی رسمدن اسنلدیکی قدر مثبت یعنی اصلنه  
 مطابق صورت الیه یلور. انجق بونک دخی اصول مخصوصی  
 اولد یغندن بر وجه آتی بیان اولور  
 (بقیه سی صکره)

### (کرید اطه سی)

کرید اطه سی افدکزک جهت شرقیه سنده و موره قطعه سنک  
 جنوب شرقی سنده واقعدر. مستطیل الشکل اولوب شرقدن  
 غربه طوغری ممتد اولان طولی التمش ساعت و عرضی اون بش  
 ساعت امتدادنده و بحساب تربیعی سطحی بشیوز ساعت  
 وسعتنده در

ساحل شمالی سنده نفیس لیمانلری شامل برچوق کورفرلری  
 واردر. فقط ساحل جنوبیسی بالعکس غایت مرتفع اوچور فلردن  
 عبارت اولد یغندن هیچ بر طرفنده تحفظه صالح اوله جق  
 و بنا شله جق بر یوقدر

اگرید سطح دریادن خلیجچه مرتفع در و او زرنده طولاً باشند باشد  
 بر سلسله جبال ممتد اولوب اشبو و جبال چبلاق و هر طرفه  
 اورمانلی بوغازل و در بندر وارد و غرب طرفه جبال مذکوریه  
 بیاض طاغیر و یا خود اسفا کبا طاغیری تسمیه اولوب بونلر  
 هر طرفه در زیاده چبلاق و صرپدر بونلر اها لایسی غایت  
 توانا و جنگاور اولوب اکثری حیوانات دخی و زریه سنبله تعیش  
 ایدر

ینه سلسله مذکورده در جزیره نك وسطنده واقع طاغیره (سبلوری)  
 تسمیه اولور بونلر جزیره نك الك مرتفع محلی اولوب دروه سی  
 سطح دریادن ایکی ییک بشبو و متر و ارتفاعنده در ۱۰ اشبو  
 طاغیره ممکن اولان اها لاییه (آبادیوتی) و غرب طرفه یی  
 جباله (لاستی) دینلور

کریده ایرمق و یا خود چای اطلاقه شایان افرصول اولوب  
 فقط بعضی مواسمده جریان ایدر سبیلار و یا خصوص برحق  
 کوزل و اردر مزاج اقلیمی صاعلم و هوای سی زیاده  
 لطیفه ر

اراضی طاشلی اولوب حیوانات زراعتیه يك صالح دکلدر  
 فقط کلیتایوک و پاموق و دخان و زیتون باغی و صابون و انواع  
 میوه و شراب حاصل اولوب ایک و نفیس بال دخی چیقار و شکر  
 قامشی زراعتیه دخی قابلیت وارد و بو و جهله محصولات کثرت  
 و مبدولینه مبنی قد مای یونان کریده (νῆσος; μακρῶν) یعنی جزیره  
 السعدا تسمیه ایدر لایدی فقط ازمنه متأخره ده محاربات  
 متدایه و اختلالات داخبله ایله یک حق خسارانه دوچار

اولش اولغله اليوم معموریت قدیمه سی قالما مشدر . اها لیسسی  
تخمینا نهایت ایکی یوزیک نفوسه بالغ اولوب یونک یالکز بر ربی  
اهل اسلامدر

کرید مالطه ایله اسمکندریه ییئنده واقع اولق حبسیله جبل الطارق  
ومارسلیا وتریسته ایله مصر ییئنده ایشلیان سفا نیک بالطبع  
کذرکاهی و آرشپیل ایله اقدکز سواحل شرقیه سنک مرکز  
تجارتی اولد یقندن موقعی غایت مهمدر . حتی ارسطو شو حاله  
نظراه بردوات جسیه تشکیلچون دنیاده کرید جزیره سی قدر  
مساعد بر موقع یوقدر دیمشدر  
کریدک باشلیجه شهرلی قندیه وخانیه ورسودر . مرکز حکومت  
مقدملری قندیه ایکن اون سنه دنبرو خانیه به نقل  
اولمشدر  
شهر مذکور غایت جسیم و محفوظ لیمانی شامل اولق حبسیله  
تجارتگاه عظیمدر  
قندیه اون ایکی وخانیه ایله رسو انتشر ناحیه یه منقسمدر  
قندیه نیک ایکی ثلثی اهل اسلام اولق اوزره اون بش یک اها لیسسی  
اولوب اون درت جامع شریفی و برقاج کلپسا سی واردر . خانیه  
تقریباً اون یک ورسو بش یک نفوسی شامل اولوب ایکه یئنده  
دخی اهل اسلام زیاده در  
کریده برقاج یک یهودی و براز ارمنی واوروپالو دخی واردر  
اهل اسلامک شهر زده و بعض قصباتده صبیان مکاتبی اولوب  
قندیه وخانیه ده برقاج سنه دنبرو بر رشدییه مکتبی کشاده  
اولمشدر . رومارک مذکور شهر زده بش الی قدر السینه وعلوم

نافعه تدریس اولتور منتظم و مکمل بیوک مکتب‌لری اولسدیغی مثللو  
قصبات وقراده دخی یوز اوتوز بش صبیان مکتب‌لری  
وارد ر

کرید مضر اداره سی تحشده بولند یغی ائشاده قند به ده  
ایکی یوز الی قدر شاکردی جامع برلیلی مکتب اولوب اهالی  
اندن پک چوق استفاده ایتشد

کریدک عندالمؤرخین معلوم اولان اهالی اصلیده سی (اته اوقرت)  
(و (سید و سنین) تسمیه اولوب فقط بونلرک نه جنسدن اولد قلری  
معلوم دکلدرد. یونانستاندن طرد اولسان پلازش طائفه سی  
دخی کریده التجا و سالف الذکر (اته اوقرت) طائفه سیله  
اختلاط ایتدیله. اهالی مذکوره حال وحشت و جهالتده اولد قلری  
حالده میلاددن بشیوز سنه مقدم انا طولی طرفدن (داکتیل)  
تسمیه اولنور برطاقم پاپاسلرکله رک اهالی مذکوره به تعلیم دین  
ایدوب انلرایچون قانون وضع ایلدیله. بونک اوزرینه کرید منبع  
مدنیت اولوب تراسیا (۱) دخی کریدکی مر قوم پاپاسلردن تحصیل  
مدنیت ایتش و یونانستان دخی اصول دیانت و مدنیتی کرید  
و تراسیادن اخذ و تلقی ایلشدر

ایکی یوز سنه صکره یعنی میلاددن بشیوز سنه مقدم مذکور  
پاپاسلردن مینوس اسمنده بریسی کاملاً جزیره نک زمام حکومتی  
یدینه الوب قانون جدید وضع ایلدی. کویا هر قوم مینوس  
طقوز سنه قمتادیا کریده واقع ایدا طاغی اوزرنده اقامتله  
رئیس آلهلری اولان مشترینک الها میله مذکور قانونی وضع

(۱) روم ایللی قطعه سنک جنوب غریبسنده واقع ممالکدر

وتنظیم ایتمشدن کریدلورک قانونی مؤخر املل سائر  
 یننده کسب اشتهار ایدوب یونان مشاهیر حکماستندن (ایکورک)  
 دخی وضع ایلدیکی قانونده اکا تقلید ایلشدن

مومی الیه مینوس کریدک قوه بحر به سنی تکثیر ایدرک برجسم  
 دونما تشکیل و یونان قور صانلرینی زجر و تشکیل ایلدی  
 واتنه لورلی خراجکنار ایدوب (سیرا) و توابعدن عبارت اولان  
 سیقلا داطه لرینی دخی ضبط واسنیلا ایلدی

مینوسدن صکره برقاچ حکمدار کلوب نهایت میلاددن  
 سکر یوزسنه مقدم (انه آرک) نام حکمدارک وفاتده اصول  
 حکمداری لغو ایله اول ائنده سائر همجوار اولان ممالک  
 متخذی اولان اصوله توفیقا حکومت اعیان اصولی اتخا ذقلندی  
 اشته بو وجهله مینوسک وضع وئاسبس ایتش اولد بخی  
 حکومت واخده اصولی منفسخ اوله رق هر شهر برجهوریت  
 مخصوصه تشکیل ایلدی و چوق کچمکسزین ینسارنده ائش  
 چنک وجدال اشتغال ایلدی اشبو قزت وفسادک دفعی  
 مقصدیله آتته حکماستندن (اونو ماقریت) معرفتیله برقانون  
 جدید وضع اولنسوب جزیره نک باشلیجه شهر لری بونی قبول  
 و اجرا ایلدیلر

قانون مذکور اولزمانده زیاده شهرت بولوب سائر ملتلردخی  
 بعض تعدیلات ایله بونی اتخا ایتش اولملریله احکام مهمه سنک  
 بر وجه آتی یسانی مناسب کورلشدر شویله که هر جهورده  
 بر مجلس اولوب بوکا نظارت ایتک اوزره اون مقش وار ایدی  
 اشبو مقش لارک ما موریتلری برسنه متمد اولوب اداره امور عسکریه

واجبیه بونلره محول ایدی. اشبو مقش لک بریسی رئیس اولوب  
اوراق رسمیه بالاسنه بونک اسمی تحریر اولنور ایدی.  
مجلس دخی مقش معزول لرندن مرکب اولوب وضع قانونه  
واجرای حکومته مامور ایدی. اعضای مجلس قید حیات ایله  
انتخاب اولنوب هیچ برکسه حضورنده مسئول اولز ایدی

برده افراد اها لیدن مرکب بر مجلس اولوب بودخی یا لکن  
مقش لک و اعیان مجلسنک قرار لرینی تصدیق ایدر ایدی.  
افراد اها لیک اولوجهله رأی ویرملری لفظی مراد برشی اولوب  
حقیقته حل و عقد امور اعیان یدنده ایدی

اعیان مجلسی اعضا سندن بریسی سوء استعمالات ایله متهم  
اولد قده رفقاسی و حتی افراد اها لی انک علیهنده فساد ایقاعیله  
عزل و نفی اولنور ایدی. بومقوله اختلالات هر زده اولسه  
اضمحلال حکومتی داعی اولوب حالوکه کریده قطعا سوء تأثیری  
کورلما سی امور غریبه دندر

اهالی ایکی صنفه منقسم اولوب بریسی خدمت عسکریه  
و دیگر اهر فلاحت ایله اشتغال ایدر ایدی. اشبو زراع  
طافی عسکری طائفه سنک تحت تبعیتده اولوب بعض تکالیف  
شاقه ایله مکلف ایدیلر. برده اسرا گروهی اولوب فقط بونلر  
حقتده زیاده رفق ایله معامله اولنور ایدی

کرید قوانینی دخی اسپارطه قوانینی کبی مجرد حرب مقصدی  
اوزرینه مبنی اولوب بالجمله اغنیسا و فقرا اولادی حکومت طرفندن  
برایکده بسلنور ایدی. قوای جسمانیه ناک تقویتنه مدار اوله جق  
حرکات ایله زیاده اشتغال ایدوب حتی قزل دخی بو بایده مستناد کل ایدی.

زور بازلق و شکار و قوش و امشالی امور شاقه کنجی لک مشاغل  
معاده سی ایدی . بونلره برده قانون مملکتی و بعضی مدایح الهیه  
و اومیروسک بعضی اشعارینی تعلیم ایدرلر ایدی  
کریدلورلک صورت تعیشلری هر درلوش فاهت و اخشامدن  
میرا اوله رق غایتله ساده ایدی . جله سی برلکده طعام ایدوب  
ازشله قناعت ایدرلر ایدی . اموال دخی بینلرنده مساوات اوزره  
تقسیم اولنور ایدی . فقط اشبو اصولار و بالخصوص تقسیم  
اموال ماده سی عموما حرار اهاالی حقه می جاری ایدی یوخسه  
اعیان کر و هندی مخصوص ایدی معلوم دکلدر  
لواطه دخی قانونا مجاز اولوب قواعد مخصوصه تحشده اجرا  
اولنور ایدی . خلاف طبیعت اولان اشبو فعل شنیعک  
نصل تجویز اولندیغی اکلا شیله من ایسه ده اول زمان  
جاهلیته و قانون مذکورک و اضعی اولان کسانک درجه اهلیته  
نظرا بومقوله حالات یکده استبعاد اولنماید  
اشته کریدا اهاالی قدیمه سنک ملل سائره بیننده مشهور  
و مدوح اولان قانونلرینک احکام معلومه سی بونلردن عبارتدر  
بالاده بیان اولندیغی اوزره (لیکورک) آتیه لوز ایچون وضع ایتدیکی  
قانونده اشبو کریدا قانونته تقلید ایتدیکی . مثالو افلاطون دخی  
اصول سیاسیه سنده بونی اساس اتخاذ ایلشدر . متأخریندن  
بعضی اهل قوانینک قولنه کوره کریدا قوانینی اسسارطه  
قوانینک اصلی اولوب افلاطونک قوانینی ایسه انک تعدیل  
و اصلاح اولمشدر  
کریدا احوال قدیمه سیندن پک ازشی معلوم اولسوب احوال

مذکوره پکده اطلاع شایان دکلدر شهر رده دأما فتق  
فساد ظهوریدن و (قنوس) و (غورنین) اسمند کی شهر لرینشده  
محاربات متوالیه دن عبارتدر

کریدیلر اکثریا دکن خرسزلخی ایشد کلرندن بوندن طولایی  
ردوس اها بسبیله بیلرنده پک چوق محاربات وقوع بولمیشدر  
کریدیلرک اوق و صپان طاشی اتقد ه کال مهارت لریننه مینی ملل  
سائر دأما بولری اجرتله خدمات عسکریه ده استخدام  
ایدولر ایدی واسکی زمان اردولرینک بجه سنده کریدلی  
عسکر بولنور ایدی

کریدیلر سچلیا دکن خرسزلریله عقد اتفاق و جزیره لری  
سواحلنده بعض قله لر انشا سیچون انلره رخصت اعطا  
ایتدیلر و رومالولر چوقدنبرو کریدی فتح و تسخیر بهانه  
ارا دقلرندن خصوص مذکور مناسبتیه کریدیلر علیهنده  
اعلان حرب ایلدیلر میلاد دن یتش درت سنه مقدم کرید  
دونمائی رومالولره غلبه ایدوب برفاچ دخی مدافعه ایتیشلر  
ایسده نهایت التمشیدی سنه سی رومالولر جزیره بی ضبط  
و استیلا و قانونی الفا ایتدیلر و صلحک محافظه سیچون قنوس  
شهرینه بر مقدار اها لی اسکان قلندی

کرید اولوجهله بر زمان رومالتحت اداره سنده قالوب دولت  
مذکور نک انقسامنده شرق دولتی حصه سنه اصابت  
ایلدی

اندلسده قرطبه امراسندن عمر ابو حفص والانسه قائدی  
عبداللهک و قوعبولان عصیاننده انکله ه دست اتفاق اولدیغی

جهتله متبوعی اولان عبدالرحمن نائینک نیجه انتقامندن تحلیص کریبان  
ایمک اوزره اهل و عیال و برچوق توابعیله اون اردن ایکی سفینه یه  
راکبا اندلسدن فرار ایدوب براز وقت بحر سفید ده کشت  
و گذار ایند کدن صکره هجرت نبویه نک ایکی یوز سکر تار یخنده  
کریدک قنجه تصدی ایلدی . فقط قوه موجوده سی بویله بر مقصد  
مهمک تیسر حصوله مساعد اولد یغندن ما یو ساعدون  
ایتمش و فرداسی سته قوه کافیه ایله کلوب جزیره مذکوره بی قنح  
ایلمشدر . اولوقت استانبول امپراطوری بولسان میخائل طرفندن  
کریده سوق اولمش اولان ایکی اردودخی دوچار هزیمت اولمشدر .  
امیر مشار ایله کریده هرا قلیوس شهر قدیمک خرابه سی  
اوزرینه بر شهرتین بنا ایدوب غالباً اطراف خندق ایله محاط  
اولد یغنی جهتله خندق تسمیه ایلمشدر . اشبوشهر البوم  
قندیه دینلان شهر اولوب بواسم دخی خندق لفظنک  
محر فیدر

اشته کریده حکومت ایدن امرای عربک برنجبسی مشار ایله  
ابو حفص اولوب اوتوز ایکی سنه اجرای حکومت ایند کدن صکره  
ایکی یوز قرق برسته سنده وفات ایلمشدر . مشار ایلهک اخلافی  
عجهبول اولوب فقط صکره لری جزیره نک مصر حکامنه  
وبعده دخی افریقیه ده حکومت ایدن بنی اغلب ملوکنه انتقال  
ایلمشدر

کریدهر بلریندن بولندیغی ائشاده روملر بالدفعات استخلاصنه  
تسبب ایدوب نهایت اوچ یوز الی تار یخنده استانبول امپراطور لردن  
(نیمه فور فوقاس) زمان سلطینده طغوز ماه قدر حصر و تضییق

اولندقدن صکره ایادی اسلامیانندن نزع اولمشدن  
 اهل صلیک الی یوز برسنه سنده استانبولی ضبط واسنیلارینه  
 قدر کرید جزیره سی روم حکومتی یندنه قالوب فلاندر دوقه سی  
 (بودون) شرق ایسپراطوری انتخاب اولندقدن کندوسنه  
 معاونت ایتش اولان منفقرینه توزیع مکافات ایتدیکی صره ده  
 اولوقت سلانیک حکمداری یونسان اوچنچی یونیفاسه دخی  
 کرید اطمینانی ترک و تملیک و حکمدار مومی الیه دخی یونی مقدار جزئی  
 اچمه ایله ونیک جمهورینه فروخت ایلدی  
 جمهور مذکور کرقیبی اولوب کسب اقتدار ایتسینی استبان  
 جزیره لک تحریکی اوزرینه اهالی جزیره ونیکلو حکومتی  
 قبولدن امتناع ایتشله ایسه ده ونیکلور الی یوز ابکی تاریخنه  
 جزیره وضع ید ایتشله در اهالی مذکوره تمام یوز التمش  
 سنه ونیکلو به عصیانده اصرار و بالخصوص اسسفاکیالون  
 صرب طاغلرده تحصن ایدرک یدی یوز التمش سکزن تاریخنه  
 قدر مقاومت ایلدیلر  
 کریدده اسکان اولتان ونیک مهاجرلری بعض حقوق  
 سیاسیه دن اسقاط اولمشینی اوزرینه یدی یوز التمش اوج  
 سنه سی جمهور علیه قیام و روم مذهبینی قبول ایله باش پاپاسلری  
 اولان (تیت) نام ذاتی رئیس اتخاذایتدیلر ونیک جمهوردی  
 یونلرک اوزرینه قوه کافیه سوقیله کرک مهاجرین مذکوره یی  
 و کرک یزلورلی تحت اطاعتنه انخال ایلدی و جزیره تک هر طرفنده  
 یونسان حصارلری هدم و تخریب و پیشرو اهل فساد اولنلری  
 اعدام و قابل اصلاح اولیان نواحی اها لیسینی بشقه محالره

تقل ایدرک جزیره بی کاملاً زیر تصرفه الدی  
استانبولک فتحندن صکره سلطنت سنیه عثمانیه دخی کریدک فتح  
وتسخیری تصور ایدوب طقوز یوز قرق بش تار یخنده قبودان دریا  
غازی خیرالدین پاشا بعض سواحلی استیلا ایتمش ایسه ده شاهد  
ظفر آینه حصولده جلوه کر اوله مدیخی مثل لوطقوز یوز یتمش طقوزده  
وقوعبولان بعض تشبشات دخی ثمره سز فالمشیدی جزیره  
مذکور موقعتک بالوجه اهمیت و بالخصوص وندیک جمهورینک  
اقد کرده مدار نفوذ وسطونی اولد یغندن قح و تسخیری  
دولت علیه نک مطمح نظری اولوب وقت مرهون حلوانه  
انظار اولتور ایدی

عهد ابراهیم خانیده دارالسعاده اغاسی بولسان سنبل اغا مکه  
مکره ملاسی روسوی محمد افندی ایله برلکده بحر اجانب  
حجازه عزیمتلی اثناسنده مالطه قوالیرلینه (۱) بالتصادف  
مدافعه ایتمش ایسه ده مقاومته مقتدر اوله مامشاردر بو وقعه ده  
سنبل اغا مقتول اولش و مر قوم قوالیرلر افندی موی الیه ایله  
رفاقتلرنده بولسانلری اسیر وراکب اولد قاری سفینه بی  
ضبط ایله کرید جزیره سنه کونور مشار و کرید لولر اشبوغا صباری  
تلقی بالقبول ایلمشاردر بو کیفیت رسیده سمع همایون اولد قدده  
هم وندیکلرک زجروتا دبی و همد اوتیه دنبرو منصور اولان  
کرید قمتی مقصدینک حیر فعله اخرا چیچون بیک الی بش

(۱) مالطه ده بر حکومت انتخابیه تشکیل ایتمش اولان بر طریق  
از بایدر که برنجی ناپولون مصره عزیمتی اثناسنده مالطه بی ضبط  
ایله طریق مذکوری فسخ و الغا ایلمشار

تاریخند و داماد شهر یاری قبودان دریا یوسف پاشا سردار اکرم  
 نصین اوله رقی دوت یوز قطعه سفینه دن مرکب دوتنای  
 همایون و الی بیک عسکر ایله کریده اعزام قلندی اردوی  
 همایون قلعه سلطانیه دن حرکت و کریده مواصله اول امرده  
 خانه بی محاصره ایدوب الی یدی کون صکره فتح و تسخیری  
 مبسر اولدی بعده رسمی دخی قرق کون ظرفنده الندی  
 بیک الی سکر سنده دخی قندیه محاصره اولوب اشبو محاصره  
 بکرمی سنه عتد اولدی

مخار به نك امتدادی و ندیک جمهورینی زیاده ازجاج و مضایقه مالیه سنی  
 انتاج ایلد یکی جهته جمهور مذکور صلحه طالب اولوب  
 فقط طرفی دولت علیه دن تکلیف اولسان شرائطه موافقت  
 کوسرمدیکی جهته محاربه دوام اولندی فرانسه قرالی اون دردنجی  
 لوی بیک یتش بر تاریخند و ندیکلونک امدادینه بر مقدار عسکر  
 ارسال و محصورین دخی مقامته اصرار ایلد کلرن دن بیک  
 یتش سکر تاریخند و صدر اعظم کیریلی فاضل اجد پاشا محاصره نك  
 بودرجه اوزا مسندن منفعل اوله رقی بالذات کریده کیدوب  
 عساکر شاهانه نك زمام اداره سنی پدینه الدبی عساکر  
 عثمانیه اشبو محاصره فوق الغایه ماکر دلیری و جسارت  
 اظهار ایتشد و بالکزی بیک یتش سکر سنه سی ظرفنده اوتوزایی  
 دفعه سور اوزرینه هجوم اولوب بویولده بکرمی بیک قدردام  
 تلف اولدیغی مر ویدر

عموما او روپا اها لسی اشبو محاربه فوق العاده یه چشم دفته  
 نظر ایدوب و ندیکلونک حسن موفقیتی آرزو ایدر لر ایدی پاپا

دخی بومسئله بر محاربه دينه رنكى ويره رك اوز وپالورلى  
عثمانلو عليه تحريك ايلر ايلدى . بونك اوز رينه (دوق دولافولاد)  
نام ذاك زير اداره سننده بشيوز فرانسز اوچ بيك المانيا لوابله  
برطاني ايتاليا لومالطه قاولرلى وسائر قنديه نك امدادينه  
كلديلر . بيك سسكان تاريخنده فرانس قوالى سالف ال ذكر  
اون درديجي لوفى (دوق دوفور) تحت قوماند سنده برانجه  
دونما ايله دروننده (دوق دوناوى) نام ذات زير اداره سننده  
اولق اوزره التى بيك عساكر بره دخی ارسال ايلدى . مومى اليه  
دوق دوناوى بر كره وقوعولان هجومنده كليمانهزم اولديغندن  
ارتق اورا ده طوره مبوب بقية السيوف اولان عساكرى  
استصحاب ايله عودت وملكته ورودنده قوالى شو حركته مجازة  
مومى اليه سرايندن طرد ونى ايلدى . فرانسز لك عزيمتى متعاقب  
سائر معاونلر دخی مايوسا رجعت ايتديلر

ونديك قوماندانى بولسان مومى اليه موروسينى ارتق مساومه  
اقتدارى قالماسيكن يته تسليم اولوب جمهور مجلسنك حقوقنه  
تجاوز ايله اردوى همايونه صلح تكليف ايلدى و بزم طرفدن دخی رذ  
اولميه رق بر عهد نامه تنظيم وامضا قلندى

اشبومعه مصادره موجبجه مومى اليه موروسينى (سودا) و (غرابوز)  
و (سپينا لونغا) نام جزائر اوز رنده واقع اوچ قلعه مسئنا اولق  
اوزره كريد جزيره سنى كاملا دولت عليه ترك ايلدى . مواقع  
مهمه مذكوره اللرنده قالدېخى حالده ونديكلورك ايلروده جزيره  
استخلاصه بر طريق بوله جقار بى مامول ايلرايدى . فقط مامولى كى  
چيقمبوب ونديك سنا توسى معاهده مذكوره بى تصديق ايدوب

جزیره نیک تکرار ضبط واسنیلانسه تصدی ایلدی  
 بیک یوز بکرمی بش سنه سنده دولت علیه ایله وندیک جمهورى  
 پینده وقوعبولان محاربه مناسبتیه بیک ایکوز بکرمی بدی  
 سنه سنده مذکور سودا و سینیالونفا قلعه سنی دخی اندن بر قاج سنه مقدم  
 انتقال ایدوب غرابوز قلعه سنی دخی اندن بر قاج سنه مقدم  
 دروننده بولان مستحقظ لک ضابطی بر فوجی الون مقابلنده طرف  
 دولت علیه فروخت ایتشیدی (منیف)  
 (بقیه سنی صکره)

---

(علم هیئت)

کواکب کبسو دار کواکب کبسو دار (مابعد)  
 کواکب کبسو دار کواکب ساثره مثلوا اجرام سماویه دن اولوب  
 حرکته ضیادار اولان نقطه نوا و اشوم مرکزى محیط اولان  
 بزوع محاسب ضیاداره صاج و بونلرک ایکسنه بردن رأس  
 اطلاق اولوز . مقدمین بزوع کوکب قویربغی جهت حرکته  
 نسبتیه ارقه سنده بونلور ایسه کبسو و اوکنده اولور ایسه  
 صقیال نسبه ایدرل ایدی فقط شمسی قویروق کوکبک کرک  
 ارقه سنده و کرک اوکنده واقع اولسون کبسو نسبه اولوز .  
 عند المناخرین بردا اثره مستطیله اوزنده حرکت ایدن بلدز  
 قویروغی اولسه دخی کواکب مذنبه دن معدود دروحتی مشاهیر  
 اهل هیئت دن (هر شیل) اورانوس کوکبک حرکتی کشف و استخراج